

秘書集成

秘書集成

10

本卷內收入《開元占經》一書的第二部分（卷三十至卷六十四）。

大唐開元占經卷三十

熒惑占一

熒惑名主一

黃帝占曰熒惑一曰赤星 廣雅釋文篇曰熒惑一

曰罰星或曰執法 荊州占曰熒惑居東爲懸星西

方爲天理南方爲熒惑其行無常司無道之國 吳

龔天文書曰熒惑火之精其位在南方赤帝之子方

伯之象也爲天候主氣成敗司察妖孽東西南北無

有常出則有兵入則兵敗周旋止息乃爲死喪 詩

緯含神霧曰熒惑司夏 春秋緯曰熒惑主候守

春秋緯曰熒惑主禮成天意禮失則妾爲妻支爲嗣
精感數應則熒惑逆見變怪 石氏曰熒惑主夏主

南維主火與日主丙丁主禮禮失者罰出熒惑之逆
行是也此失夏政也以其所守之舍命其國 石氏

曰熒惑者天子之理也東西南北無有常五月而出

石氏曰熒惑主大鴻臚主死喪 巫咸曰熒惑者

太白之雄也五星之伯也其色赤勝太白 巫咸曰

熒惑主憂患過惡禍福所由生也 洪範五行傳曰

熒惑於五帝爲禮辨上下之節於五事爲視明察善

惡之事也禮虧視失逆夏令則熒惑爲旱災爲火爲

疾爲亂爲死喪爲賊爲妖言天怪也 班固天文志

曰逆夏令傷火氣罰見熒惑 淮南天文間詁鴻烈

曰南方火也其帝祝融其位朱明執衡而治夏也衡平

其神爲熒惑其獸爲朱雀其音徵其日丙丁又日出

入無常辨其變其色時見時匿 班固天文志曰熒

惑天子之理也故曰雖有明天子必視熒惑所在

鄒萌曰熒惑爲司馬 荊州占曰熒惑火之精其神

上爲熒惑其國荆楚 又曰主吳越以南 又曰熒

惑天一候者司萬物之變 又曰熒惑上承天一下

主司天下人臣之過司驕司奢司禍司賊司飢司荒

司死司喪司日司直司兵司亂司熒惑殃無不主之
荊州占曰王者禮義熒惑不留其國凶殃熒惑罰
之 韓楊曰熒惑之爲言熒惑以像讒賊進退無常
不可爲極 韓楊曰熒惑火行之星其理也主諸侯
韓楊曰熒惑爲天一候犯逆留隱其當鳴臣子主
社稷傾五精并聚弑成刑出西及明主不熒惑命興
起天下平變色失行所留者亡所抵有兵 韓楊曰
熒惑修禮順則喜逆則怒 石氏曰熒惑躁進促疾
主南方從巳至未南方夏氣所治位也盛陽在上微
陰在下早成養物禮也君失夏政封錫逆天則熒惑

有變 韓陽曰熒惑入列宿其國憂 韓楊曰熒惑

所止爲其國君死 海中占曰熒惑法使行無常

熒惑行度二

洪範五行傳曰熒惑以上元甲子歲十一月甲子朔

旦冬至夜半甲子時與五星俱起於牛前五度順行

二十八宿右旋二歲一周天也

按歷法熒惑一終七百七十九日一千三

百四十分日之一千二百二十奇六十二歲強一周天

樂動聲儀曰徵音和調

則熒惑日行四十二分度之 伏五月得其度不及

明從晦者則動應制致焦明至則有兩備以樂之和

春秋文耀鉤曰熒惑東行急一日行一度半其行東

西南北疾兵各聚其下主以煩移若自恣招禍謀用
戰順之勝逆之敗 石氏曰熒惑行度率百五十六

日而行八十二度

日四分及景初
象家准法皆同

石氏曰熒惑之東

行也急則一日一夜行七寸半其以益此則行疾疾
則兵聚於東方熒惑之西行疾則兵聚於西方其南
其北爲有死喪其南丈夫之喪其北女子之喪 甘

氏曰熒惑發東方修緯反常十六舍而上逆行西運
動以成章舍一舍半 巫咸曰熒惑伏入常不得過

五月而出遠八月而出受制則舉賢良賞有功主封
侯出財貨行賑貸 荊州占曰熒惑日行一尺以上

期五月至十五日而廢五寸以上期十五日至二十五月而廢三寸以上期二十五日至三十日而廢一寸以上期三十日至五十日廢諸廢期月或皆爲日
荊州占曰熒惑順行其國有道 又曰熒惑出東方行順卽其國吉 尚書緯曰氣在初夏其絕熒惑是謂發氣之傷可以毀消金銅與氣同光使民備火皆清已齋是謂敬天之明必勿行武與季夏相輔初是夏之時衣亦與季夏同期如是則熒惑順行甘雨時矣

熒惑王相休囚死三

甘氏曰熒惑之相也從立春至春之盡其色則當精
明無角芒 甘氏曰熒惑之王也從立夏以至夏之
盡其色如赤則當比心大星而精明仲夏之時有芒
角 甘氏曰熒惑之休也從仲夏以至夏之盡及四
季王時其色則出無精明黑黃 甘氏曰熒惑之囚
也從立秋以至秋之盡其色則當青白止不行 甘
氏曰熒惑之死也從立冬以至冬之盡其色則當細
小黃黑而不明此熒惑色之常也其色如經天下和
平 甘氏曰當其相也而有王色所居之國受殃有
休色讒臣誅國相 免有囚色國有捕囚及于將相有

死色大臣誅傷其留守也其國兵起其進舍也有臣
蝗五穀傷具退舍也赤地千里 甘氏曰當其王也
而有相色蔽主聰有休色政令不行有囚色讒臣用
事王路不通有死色則有大喪其留守也不可舉事
用兵其進舍也其國不祥其退舍也有旱殃 甘氏
曰當其休也而有王色所居之舍其國受禍有相色
國亂百官不從有囚色有小失有死色盜賊橫行訛
言廟堂有火災所居之舍其國受殃其進舍也災傷
其退舍也利舌危 甘氏曰當其囚也而有王色大
臣逃亡有相色臣下毀傷有休色使者冠蓋相望有

死色白衣成行丁男從燭有老公所守之舍道路不通其進舍也兵殃其退舍也謗言汹汹 甘氏曰當其死也而有王色宗廟不享有相色大臣擾行有休色是謂不祥宗廟失火邊有侵地有囚色丁壯多死以兵所留舍其國君遂亡開其府庫出其甲兵四十餘日破亡其進舍也多風其退舍也水流

熒惑光色芒角四

甘氏曰候熒惑以夏丙丁此王氣當如其常色變則失所也 郊萌曰熒惑色變一見一伏求之所不可得奎之目辰之心參之右肩龍之左角畢之右股此

五星也類此色卽熒惑也 荊州占曰熒惑色以畢

右星爲正一曰比心中央星 推度災曰熒惑黑圓

爲水喪 春秋緯曰主亂虛而侵殺則熒惑光益大

甘氏曰熒惑色赤黃也發疾黑青發難黃若赤一

歲內發白色期二年青色期三年黑色期四年五六

年以星行尺寸深淺爲度大小期應 荊州占曰熒

惑一赤一黃王公有禍士女降侯星若無光先起兵

者大敗 巫咸占曰熒惑如炬火亡人怒君子誅小

人搶搶不有亂臣則有大喪上欺其使吏欺其主使

之不殺哀孤恤寡則止 海中占曰熒惑色赤國有

憂厚白則國有喪薄蒼卽天下多喪其國尤甚 郊

萌曰熒惑之常色赤而黃有喪期在六十日 又曰

熒惑色赤光而澤也期不出二年兵喪並起 郊萌

曰熒惑出色黃所居宿有土功事 又曰熒惑夏五

月出南方色赤而逆行乃有眚萌火光之妖且見觀

之有德而降之以福觀之逆德而降之以禍凡降禍

流水湯湯乃爲之祠于祝融及南海之神春見爲之

修德賞有功論有勞遷有善任有能夏見爲之寬政

令薄賦斂賜爵祿行賞罰視以佐陽德大暑乃至時

雨乃行百姓乃豐五穀乃登甘雨和風乃至草木以

時零落民不夭疾帝乃延壽是爲德秋見爲之修吉
初遂有罪誅有過冬見爲之開閉大赦此四者所以
應天之明神也 荊州占曰熒惑出色赤怒逆行爲
兵成鉤已戰凶有外軍 荊州占曰熒惑色大而盛
先起者亡後起者昌 荊州占曰熒惑色赤爲大兵
旱秋有火災 荊州占曰熒惑色變爲黃有德 荊
州占曰熒惑秋出色黃兵而和 荊州占曰熒惑色
赤色白不出其年喪起 荊州占曰熒惑色黑圓爲
疾爲喪 荊州占曰熒惑色白爲饑爲兵 荊州占
曰熒惑春色赤百姓多憂冬色白大臣多辱 荊州

占曰熒惑白圓而光其野病旱 荊州占曰熒惑色

變正白者冬有喪色變而赤者秋有兵 荊州占曰

熒惑失色有兵從之火主憂 荊州占曰熒惑黃而

不明即變其色時不昌春不生夏不榮秋不實冬不

藏四時皆變其色不出其年君王有以女樂亡者

荊州占曰熒惑如炬有大亂臣亡其使吏欺其主少

勝長下勝上婦勝姑子勝父君令不行 荊州占曰

熒惑青色圓爲水爲憂爲饑一日色青者多雨 荊

州占曰熒惑色蒼黑蒼多黑少有喪蒼少黑多有水

若黑喪水並起皆期六十日或三年 荊州占曰熒